

„Чапаев“ гидг романар умшачнрин конференц болв

Яшалтинск района Солёновск культурин Герт негдгч болн хойрдгч номертā библиотекс Дмитрий Фурмановин „Чапаев“ гидг дектрār умшачнрин конференц кехиг сара хонг өмнās кесг кеерүлād бичсн зарлврмуд зāнγглджālā.

Болзлгсн цаглань 200 шаху улс ирцхāv. Туурсн баатр Василий Иванович Чапаевин ик зург залд өлгātā бāāнā. Стенд деер „Дөчдгч джил“ гидг монтаж үзгднā. „Советин йосна тōлā,“ „Тер туургсн джилмүдин бахмджта уулдврмүдн кезād чигн мартгдш уга“ гисн темār дектрмүдин хойр гāāхул секгдв. Нүднд үзгдм газрт Советск Союзин политическ карт өлгātā бāāнā.

Конференц болхас кесг цаг өмн, күүндгдх тōрмүдинь, келх седклтā улст диглād, даалгъад өггдчксмн. Эн тōрмүдār келх зōвтā улсла библиотекарьмүд цāйлгъвр кегъād, ягъдж келхинь, ямаран тōрмүдт оньган икār өгхинь келдж өгād, эн дектрин тускар үг келхд нōкд болх талдан дектрмүд немдж өгцхāv.

Умшачнрин конференциг библиотекин заведующ Мазина Клавдия секād, „Чапаев“ ги дг романиг бичсн кун өмнāн

ямаран эркн тōрмүд тāвсинь цāйлгъдж келдж өгв. Эгл хар өмтнās гарсн, баатр нернь делкād туурсн, сүркā командир Чапаевин тускар, Буденнā пертā колхозин зоотехник Любовь Семибратова сāāнār цāйлгъдж келдж өгв.

Чапаевин дивизд йовцхасн, Октябрин днилврмүдин тōлā зертā-зевтā боссн, Иваново-Вознесенскин кōдлмшчнрин кесн уулдврмүдин тускар комсомолка Варвара Цыбулина келв. Фронтд партийн гохаалгъиг лавта үннинь медүлдж гавшун хурц келārн салдсмүдин зүркиг шатадж йовсн, дивизин комиссар Клычковин тускар, дундин школин багш Федор Митин сāāнār келдж өгв.

Умшачнрин конференцд Юлия Чернышева, Аза Мурченко болн нань чигн улс орлцдж үг келцхāv.

Гражданск дāāнā тууджин алдр халхинь бичсн Дмитрий Фурмановин „Чапаев“ гидг дектриг, умшачнр икār таасдж, чинринь меддж темдглцхāv.

Конференц йир сенр сāāнār кегдв.

И. М. БАЗЮК.

Яшалта, Солённое гидг селāн.